

Goibekokale

ELGETA / Barikua / 2001eko azaroaren 30a / 77. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Autoek abiadura jaisteko neurriak hartu ezean, koordinakundea sortzeko prest


OXEL EROSTARBE

Herritik igarotzen diren autoen abiadura murrizteko hartu beharreko neurriak direla eta, bilera izan zen astelehenean udaletxean. Bertan izan ziren Patxi Basauri alkatea, Alberto Olalde aparejadorea, eta euren iritzia azaldu zuten zenbait herritar.

Aspalditik datorren kontua da, autoak abiadura handian igarotzen direla herritik. Maltzaga eta Arrasate arteko ibilbidea, eta Durango eta Eibar artekoa egiten dutenak ere Elgetatik igarotzen dira aspaldian, bide horietan egoten diren auto ilarak direla eta.

Bileran, herritarren iritzia batu zituzten, ondoren Diputazioari proposamenak egiteko, herritik igarotzen diren bideen ardura berea da eta.

Diputazioak ez du uzten abiadura jaisteko plastikozko bandak jartzea. Horregatik, eta oinezko eta ezinduei erraztasunak emateko ere balioko dutelako, zebra bide altxatuak jartzea dela konponbidea erabaki zuten. Bileran, zenbat zebra bide jarri beharko dituzten eztabaidatu zuten.



Zebra bide altxatuak, herriko irteera guztietan eta zenbait kaletan jartzea erabaki zuten bileran.

KOORDINAKUNDEA SORTZEKO PREST

Abiaduraren ganean neurriak hartzen ez badute, koordinakundea sortzeko prest agertu ziren zenbait herritar.

Diputazioari, neurriak ahalik eta epe motzengatik hartzea eskatzea erabaki zuten bileran. Proiektua egin eta aurrera eramanean orduko denbora dexeñte

pasa daitekeela ere komentatu zen. Zebra bide altxatuak jarri bitartean, herriko sarreratan plastikozko bandak jartzeko baimena eskatuko du Udalak.

Herritik auto gehiago igarotzeak, handitu egin du istripuak gertatzeko arriskua

Salbador eta Artekalen, plazan eta irteeretan beharko lirateke zebra bide altxatuak

Neurririk ez badute hartzen, zenbait herritar koordinakundea sortzeko prest daude

HERRITARREN HITZA / Ainhoa Agirreazaldegia • Bertsolaria

Txapelketa nagusia

Desiatzen nago finala iristeko. Baina gozatzen ari naiz bidean. Giroa, aparta. Bertsolariak, prestatuta bezain prest. Txapelketa Nagusiak abiadura polita hartu du. Orain lau urteko finalak, orain zortzi jokatu zenak baino maila apalagoa erakutsi zuela diote hainbat kritikaririk. Nik ez dakit hobe ala txarragoa izan zen, baina azken finaleko bertso bikain asko ez ziren 1993koan entzun. Ezin ziren entzun.

Gauza bera gertatzen ari zait aurtengoarekin. Txapelketa guztietan gertatu ohi den bezalaxe, alde guztietako iritzia daude. Nik ere badut

nirea. Aurten entzundako bertso askok eragin didate zirrara arrazoi bategatik nahiz besteagatik.

Teknikoki, bertsolari batzuek harrigarriro harritu naute. Hainbaten irudimena irudikaezina litzaidake aditu ezean. Zenbaiten hizkerak hitzik gabe utzi nau. Gogoeta batzuek asebate egin naute, zinez. Urliaren diskurtsoa antolatzeke modua aski gozamen izan da. Bertsolari batzuek



“Azkenaldiko igande arratsaldeak, ez dira hain grisak”

lapurtu dizkidaten hainbat irribarre lapurtzeko moduek, lapurrek profesionalak izan behar dutela pentsarazi didate. Bertso eta bertsolari batzuen azkartasunak txapel astunen bat airean eramane behar zutelaren iruditu zait.

Bertsolari guztiek ez dituzte dohain guztiak,

baina bakarria ere aski da une batean entzuleon belarrietarako. Honi guztiari txapelketako tentsioa gehitzen zaiola kon-

tuan hartuta, benetan diotsuet azkenaldiko igande arratsaldeak ez direla orain arteko igande arratsalde grisak. Eta larunbatetik lehen baino larunbatago dira.

Txapelketa Nagusiari jarraipena egin ez diozuen guztiok, oraindik denboraz zaudete. Lau urtez behin da. Etorkizuneko belaunaldiarekin zalantzak dituenak, zalantzarik izan behar lukeen, zalantzan utziko du. Bat-bateko sorkuntza hau gaur egun zein mailatan dagoen ikusita, plazer handi bati eta ohore txiki bati atea ixten ari zarete. Emaiozue aukera bat (zeuen buruari).

LABUR

Goibeko Kultura Elkartearen Gabonetako loteria

Gaurtik aurrera, herriko den da eta taberna guztietan saltzen dago Goibeko Kultura Elkartearen Gabonetako loteria.

Goibekokale argitaratzeaz arduratzen da Goibeko eta atera duen Gabonetako loteriaren zenbakia 44.170 da. Eguna zehaztu ez badute ere, Goibeko Kultura Elkarteak, urteroko batzar orokorra egitekotan dira, Espaloia Kafe Antzokiaren proiektua, GOITB eta beste zenbait gai aztertzeke.

TELEFONO JAKINGARRIAK

OSASUNA / LARRIALDIXAK

Medikua 943 76 81 93
DYA 943 46 46 22
Gurutze Gorrixa 943 22 22 22
Odol emailiak 943 76 16 24
Hies Ekimena 943 79 26 99
Ertzaintza 943 76 53 40
Suhiltzaillak 943 78 28 00

GARRIAK

Taxiak 943 79 12 22
Pesa 902 10 12 10

UDALA

Buleguak 943 76 80 22
Faxa 943 76 82 89
Kiroldegia 943 76 82 84
Eskolia 943 76 82 26

BESTELAKUAK

Parrokia 943 76 81 45
San Andres Parrokia 943 20 11 51
Farmazia 943 78 81 50
Goibeko K.E. 943 78 90 85
Goibekokale (Goienkaria) 943 79 92 71
Gaztetxea 943 78 90 43
Guraso Elkartia 943 76 82 26
Ozkarbi K.J.E. 943 76 81 49
Intxorta K.J.E. 943 76 81 46
Ozkarbi Pilota Taldia 943 76 81 49

MEZAK

Zapatuetan iluntzeka 19:30ean
Domekatan eguerdiko 12:00etan

OHARRAK

**ESKOLAKO HAURENTZAT
FILMA ABENDUAREN 3AN**

Abenduaren 3an arratsaldeko 15:00etan, *El gigante de hierro* filma emango dute eskolako haurrentzat. Emanaldira eskolako haur guztiak joango dira. Kutxa eta Eskolaren artean antolatu dute ekitaldi hau.

IRAKURLIAREN TXOKUA

Irakurliok, zuen eritzia emoteko eta dittuzuen keak kalera ataratzeko, hau atalau erabili zeinkie. Komeni da astelehen aurretik, zuen eritzia, udaletxe azpitan dagon Goibekokaleko buzoian laga edo bestela *goibekokale@goiena.com* helbidera bialtzia. Gutunak 1.700 karaktere ingurukua izan biharko dau. Gutunakin batera, izen-abizenak, telefonua eta nortasun agiri zerbaki-xa bialtzia garrantzitsua da, argitaratu aurretik zuekin harremanetan jarri gaitzen.

ASTEKO GAIA

Hiesaren Nazioarteko Eguna dela eta ekitaldi ugari antolatu dituzte Gaztetxeak

O.E.

Abenduaren 1ean Hiesaren Nazioarteko Eguna dela eta, zenbait ekitaldi antolatu ditu Gaztetxeak. Urtero bezala Eskualdeko Hies Ekimena taldearekin batera antolatu ditu asteburuko ekitaldiok. Hiesaren gaia kalera ateratzea nahi dute Gaztetxeak.

Antolatutako ekitaldien bidez, herritarrek, Hiesaren gaiarekin kontzientziatzea gura dute Gaztetxeak.

Asteburuan, Hiesaren Nazioarteko Eguna dela eta, ekitaldi ugari antolatu dituzte, Hiesaren gaia kalera ateratzeko asmoz.

Urtero bezala, Eskualdeko Hies Ekimena taldearen laguntza izan dute herriko gazteek, Hiesaren inguruko ekitaldi hauek aurrera eramane eta antolatzeko orduan.

Barikuan, arratsaldeko 18:30etik 20:00etara, Hiesaren inguruko erakusketa izango da

ikusgai Kultura Etxean. Zapatu arratsalderako bideo emanaldia antolatu dute. Arratsaldeko 17:30etik aurrera *La niña de mis ojos* pelikula izango da ikusgai Gaztetxean.

Ondoren, urtero bezala, merienda izango da. Arratsaldetan ikusitako bideoaren inguruko eztabaida sortzeko asmoarekin.

Domekan bukatuko dira Hiesaren inguruko jardunaldiak. Arratsaldeko 18:00etatik aurrera *Zure esku dago GIBaren aurkako tratamendua eguneroko bizimoduan* dokumentala, emango dute. Dokumentala eta gero, Hies Ekimena taldearekin batera, asteburu osoan ikusitakoaz berba egiteko aukera izango da.

DEFENTSA PERTSONALEKO IKASTARORAKO IZEN EMATEA ZABALIK

Abenduaren 6an hasiko da defentsa pertsonaleko ikastaroa. Parte hartu nahi dutenek liburategian edo Gaztetxean dute izena emateko aukera. Argibideak 943 78 90 43 telefono zenbakian jaso daitezke.



Hiesaren inguruan eztabaidatzeko aukera izango da asteburuan Gaztetxean.

ARTXIBOA

KIROLA

Ubera eta Laskurain DVko finalerdietan

O.E.

Aurreko barikuan 22 eta 13 irabazi eta gero, DV txapelketako finalaurrekoetarako sailkatu dira Ubera II eta Laskurain. Aurretik, ordea, Gipuzkoako klub arteko txapelketaren finalaurreko partida jokatu beharko dute domeka honetan.

Partida hasiera kaskarra egin zuten Xabier eta Haritzek, 8 eta 12 atzetik izan ziren eta markagailuan. Orduan arriskatu, eta ondo atera zitzaizen, partida 22 eta 13ko emaitzaz amaitu zen eta.

Abenduaren 5ean, finalaurrekoa jokatu dute Arrasaten Xabier eta Haritzek, Sorrairen eta Zapiainen aurka.

OZKARBIA, FINALAURREKOAK DOMEKAN

Domekan, 11:30ean, Gipuzkoako klub arteko binakako txapelketaren finalaurrekoan, Xabier eta Laskurainek, Oteiza eta Erroizenearen aurka jokatu dute. Aurreko astean, Arantzeta eta Laskurainek, Añorgan jokatu zuten kanporaketako lehen partida, eta 22 eta 19 irabazi egin zuten. Kluben arteko banakako ligaskan, Peñalverrek Dominguez izango du aurkari.



Hasierako urduritasuna galduta, erraz irabazi zuten partida Xabier eta Haritzek.

O.E.



RECYDE, S.A.

Pagotza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es



ISO 9002
QS 9000
ISO/TS 16949



**TROKELAK eta estanpazioa
TROKEL PROGRESIBOETAN
ESPEZIALDUAK**

Elorrio bide z/g 20690 Elgeta
Tel: 943 76 80 50 / 78 90 31
Faxa: 943 76 82 43

**Uriburu UTEK
saltzen du:**

Domingo Iturbe kalean
ETXABE KOMERTZIALA
Etxe berrien azpian
PREZIO INTERESGARRIAK

943 76 11 23
670 781 759

ERRETRATUZAHARRA

Santioneko
txokoko
tertuliak

Oso preziatua zen sukalde alboko txokoa Santioneko tabernan. Orduak eta orduak pasatzen zituen jendeak hantxe tertulian. Txikiteoan baino denbora luzeagoa, seguruena. Argazkia 1962 eta 1964 artekoa da. Segurua ez den arren, badirudi domeka edo jaiegun baten ateratakoa dela; izan ere, argazkian agertzen direnak jaiegunetako arroparekin daude, alkandora zuriarekin gizonezko gehienak. Zenbat eta zenbat kontu esan ote zituzten hainbat antzuolarrek Santioneko txoko horretan! Gaur egun, berriz, itxita dago tabernajaketxe hura. Argazkian Joxe Balda *El Diario Vasco* egunkariko Antzuolako berriemailea izandakoa ageri da, pertsonaia interesagarria, benetan. Badirudi herriko jaietan egin ohi zuten egunkariko erreportajerako argazkiak ateratzera etorri zen argazkilariak egin ziela argazkia, orduan ez zegoen-eta argazki kamerarik zeukan jende askorik Antzuolan. Argazkian, ezkerretik eskumara,



honakoak azaltzen dira mahaiaren bueltan: Tiburcio Larrañaga, Tomas Larrañaga (mutikoa), Jose Mari Laskurain, Isabel Elortza, Jose Balda, Rosarito Iartza, Eulogio San Sebastián eta Julian Lizarralde.

Argazkia: Kontxi Elortza

ADI IRAKURLE!

Zure erretratu zaharra argitaratzea nahi izanez gero, zatoz BERRIGARARA (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATUDIRENGAUZAK

Kalebarren-
dik plazarako
bidea

Jende asko gogoratuko da, seguru, zelan zegoen Kalebarren duela 30 urte inguru. 1970eko hamarkadan etxebizitza asko egin zituzten, bai Antzuolan baita inguruko herrietan ere.

Eskumako argazkian ageri den Miota etxea bota, eta gaur egun frontoi aurrealdean dauden etxeak egin zituzten; horrela, zeharo itxuraldatuta geratu zen inguru hura.



1971 Estilo kolonialeko etxe ederra zen Miota. Argazkia etxea bota aurreko urtekoa da, 1972an bota zuten-eta.



2001 Frontoi aurrean dauden etxeak egin ahal izateko bota zuten Miota etxea. Gaur egun plazan dagoen iturria ere tokiz aldatu behar izan zuten.



**Manufacturas
LARRAÑAGA**

- Lan-babeserako artikuluak
- Seinaleztapena
- Jantziak

Leizeaga 1. BERGARA
Tf. / faxa 943 76 59 53.



Zumelaga
JATETXEA

59 urte zuen zerbitzura!

San Antonio 5. BERGARA. 943.76.20.21

**Zuri Beltz
margoak**

Barnealde eta kanpoaldean
erreforma
Pintura zerbitzu osoa
Moketak


943 76 14 60
607 447 494
943 76 59 59
Bergara



MEMESA

INDUSTRI HORNIDURAK

Tel. 943 71 24 25
BERGARA



Unibertsoko azken filmak, Iralan



Simon Arrieta 4.
Tel.: 943 76 21 81. Faxa: 943 76 73 33.
video_irala@jet.es



BASTIDA SUKALDEAK

Ibargarai 36-38ra pasatu gara, lehengo dendaren parera.

Zatoz modelo berriak ikustera.



Ibargarai 36-38 BERGARA. Telefonoa eta faxa: 943 76 70 58





Orain, European ere, Bezere desberdinentzat Aukera desberdinak.

Orain, Zure Europako bezeroei egindako bidalketen baldintzak erabaki ditzazkezu. EUROPREMIUM zerbitzuarekin, behar dituzun opzioak aukeratu: Interneten bitartez jarraipena egitea, Arrisku orotarako aseguruua, mugako kudeaketa, jaso izanaren agiria.....Horrela da Euro Express-en paketeria zerbitzua, Guipuzcoana Euro Express eta beste sektoreko enpresa europear liderrak elkartzen dituen paketeria sarea 20 herrialde baina gehiagotan. Galdetu eta ikus ezazu: zure enpresarako bezere bakoitza berezia bada, Euro Express-entzat ere.

943 763 642

Bergaran, San Juan Auzoan



www.guipuzcoana.com

 **GUIPUZCOANA**
EURO EXPRESS